



30 Mei 2017
30 May 2017
P.U. (A) 154

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN KANAK-KANAK (PEMBANTU PELINDUNG) 2017

CHILD (ASSISTANT PROTECTOR) REGULATIONS 2017

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA KANAK-KANAK 2001

PERATURAN-PERATURAN KANAK-KANAK (PEMBANTU PELINDUNG) 2017

PADA menjalankan kuasa yang diberikan oleh seksyen 128 Akta Kanak-Kanak 2001 [Akta 611], Menteri membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Kanak-Kanak (Pembantu Pelindung) 2017**.

(2) Peraturan-Peraturan ini mula berkuat kuasa pada 1 Jun 2017.

Pelantikan Pembantu Pelindung

2. Jika seseorang yang akan dilantik sebagai Pembantu Pelindung mempunyai majikan, keizinan majikan itu hendaklah diperoleh sebelum Menteri melantik orang itu di bawah seksyen 8A Akta sebagai Pembantu Pelindung.

Kewajipan Pembantu Pelindung

3. (1) Jika Pembantu Pelindung yang disebut dalam peraturan 2 diarahkan oleh Ketua Pengarah untuk melaksanakan kewajipan di bawah seksyen 18 dan 20 Akta, majikan Pembantu Pelindung itu hendaklah memberikan cuti kepada Pembantu Pelindung itu untuk membolehkannya melaksanakan kewajipan sebagaimana yang diarahkan oleh Ketua Pengarah.

(2) Cuti yang disebut dalam subperaturan (1) tidak boleh melebihi tiga hari berturut-turut pada satu-satu masa melainkan jika dipersetujui selainnya oleh majikan Pembantu Pelindung itu.

Elaun dan perbelanjaan lain

4. Mana-mana Pembantu Pelindung yang melaksanakan kewajipan sebagaimana yang diarahkan oleh Ketua Pengarah boleh dibayar apa-apa elaun dan perbelanjaan lain sebagaimana yang ditentukan oleh Majlis.